

# Ku-Lezeteken

Klüterje, ap Seeltersk ferkloord




Dät brukst du:

- 'n fjauerkaantich Stuk Pepier
- wiet Pepier foar do Ore
- jeel Pepier foar do Houdene
- roodhaftich Pepier foar dän Bäk
- 'n swotten Skrieuwstikke
- 'n Potlood
- 'n Skiere
- 'n Kliewstikke




Un so gungt dät:


1. Lai dien wiete Pepier foar die appe Disk.




2. Slach aan Timpe uurtwäars ume, dät hie ap dän Timpe juunuur lait. Taie dät Pepier in 'n Foolde. Nu hääst 'n Tjokaant foar die.




3. Nu nimst dän bupperste Timpe un knikst him andeel.




4. Dan fooldest dän gjuchter Timpe ätter links wai juun dän umeknikte Deel.




5. Anne linker Kaante gungt dät juust so: Du fooldest dän Timpe ätter ju Midde wai. Dien Lezeteken sjucht nu uut as 'n Kuwäärt.




6. Nu nimst dän gjuchter Timpe. Klap him uut. Dan fooldest him ätter buppen wai.



7. Mäd dän twäide Timpe dääst dätsälge.



8. Nu nimst do bee Tippe un statst do ätter binnen wai in dien Lezeteken.  
Dät sjucht nu uut as 'n Tüütje.



9. Mäd din swotte Skriewstikke  
moalst nu Ogene un Fläkke ap dien  
Ku.



10. Ap dät wiete Pepier of de Pap moalst nu uk litje Ore. Do knipst du mäd  
dien Skiere uut un dan koast ze ap dien Ku klieuwje.



11. Ap jeel Pepier of Pap moalt nu Houdene, do du uutknippen dääst. Koast ze nu an dien Ku klieuwje.




12. Uut dät roodhaftige Pepier koast nu 'n Snute moakje. Deerfoar moalt du two Stippen foar ju Noze un aan krumen Skrieuw foar dän Bäk. Ju Snute koast uutknippe un an dän Kop fon dien Ku klieuwje.



13. Nu koast dät Lezeteken uur ju Timpe fon dien Bouk skuwe, ap ju Siede, wier du bie 't Lezen bleuwen bääst..



14. Un uk wan dät Bouk tichtsloain is, fertälle die do Ore un Houdene fon dien Ku aaltied, wier du färeleze koast.



Hier rakt dät noch uur Seken ap Platdüütsk un Seeltersk:

[www.platt-is-cool.de](http://www.platt-is-cool.de)



Text: Ilse Gerdes un Vera Hansen, Ostfriesische Landschaft

Übertragung ins Saterfriesische: Henk Wolf und Veronika Pugge, Seeltersk-Kontoor der Oldenburgischen Landschaft und der Gemeinde Saterland

Fotos: Vera Hansen un Grietje Kammler, Ostfriesische Landschaft